



O'ZBEKISTON OVOZI

2016-yil, 4-fevral. Payshanba

15 (32.074)

Ijtimoiy-siyosiy gazeta

1918-yil 21-iyundan chiqqan boshlagan

www.uzbekistonovozi.uz

ЎзХДП: УСТУВОР ВАЗИФАЛАР

Ютуқлар — ўзимизники

Биз кўпроқ камчиликларни бартараф этиш ҳақида ўйлашимиз керак

Ўзбекистон ХДПнинг 2015-2019 йилларга мўлжалланган Ҳаракат дастурида партия ташкилотлари ва депутатлик бирлашмалари зиммасидаги асосий вазифалар белгилаб олинган. Ҳўш, ЎзХДП Фаргона вилоят кенгаши ана шу вазифалар ижросини таъминлаш бўйича нималарга эришди, ечимини қутаётган масалаларга ёндашув қандай?

Фаргона вилоят партия кенгашининг маҳаллий Кенгашлардаги партия гуруҳлари аъзолари иштирокидаги кенгайтирилган йиғилишида ушбу масала атрофлича кўриб чиқилди.

Сўзга чиққанлар гапни 2015 йилда эришилган натижалардан бошлади. Улар эса салмоқли эди.

Халқ депутатлари маҳаллий Кенгашларидаги ЎзХДП гуруҳлари томонидан 93 масала ўрганилган. Шундан 83 масала доимий комиссия йиғилишларида кўрилган, 19 масала сессияларда муҳокама этилиб, тегишли қарорлар қабул қилинган.

— Айниқса, Марғилон шаҳар, Бешарик, Тошлоқ, Учкўприк туманларидаги партиянинг гуруҳлари Ҳаракат дастури ижросида самарали натижаларга эришти, — деди ЎзХДП вилоят кенгаши раиси Маҳмуджон Маҳкамов. — Ҳаракат дастури асосида туман ва шаҳар Кенгашларидаги партия гуруҳлари ташаббуси билан жисмоний шахслардан тушган мурожаатларни ҳал қилиш, ижтимоий соҳага ажратилган давлат Бюджети маблағларидан оқилона фойдаланиш ва бошқа масалалар юзасидан мансабдор шахсларнинг ҳисоботлари эшитилди.

Дарҳақиқат, партия вилоят кенгаши, депутатлик бирлашмалари фаолияти амалий натижаларга бой бўлди, дейиш учун асослар етарли. Аммо бу кўрсаткичларга кенгаш раиси танқидий ёндашди. Жумладан, у шундай деди: — Ҳаракат дастури ижросини таъминлаш борасида муайян ишлар амалга оширилди. Шу билан бирга, айрим ҳудудий партия кенгашлари, партия гуруҳлари томонидан қатор сусткашлик ва камчиликларга йўл қўйилди.

► Давоми 2-бетда.

АЛИШЕР НАВОИЙ ТАВАЛЛУДИНИНГ 575 ЙИЛЛИГИ ОЛДИДАН



Максад ҲАБИБУЛЛАЕВ. ЎзА олган сурат.

НАВОИЙХОНЛИК ТАДБИРЛАРИ

Нукус шаҳридаги 32-умумтаълим мактабида буюк мутафаккир Алишер Навоий таваллудининг 575 йиллигига бағишлаб «Алишер Навоий — шеърят даҳоси» мавзуда адабий-маърифий тадбирлар, навоийхонлик кечалари ташкил этилмоқда.

— Ёшлар қалбида ватанпарварлик, миллий қадриятларимиз, хусусан, она тилимизга ҳурмат туйғуларини юксалтиришда Алишер Навоий ижоди алоҳида аҳамият касб этади, — дейди ўзбек тили ва адабиёти фани ўқитувчиси Ирисул Примжарова. — Улуғ шоир ҳаёти ва бой адабий меросини ёшлар

катта қизиқиш билан ўрганмоқда. Ўқувчилар ўртасида газал ва рубойларни ифодали ўқиш ва шоир ижодига оид иншо ёзиш бўйича танловлар ўтказилмоқда.

Суратда: ўзбек тили ва адабиёти фани ўқитувчиси Ирисул Примжарова ўқувчилар билан.

ИЖТИМОЙ МУҲОҒАЗА

990 мингга яқин янги иш ўрни яратилади

Пойтахтимизда Ўзбекистон Меҳнат ва аҳолини ижтимоий муҳофаза қилиш вазирлиги томонидан 2015 йилда амалга оширилган ишларга бағишланган матбуот анжумани ўтказилди.

Ўзбекистон меҳнат ва аҳолини ижтимоий муҳофаза қилиш вазирлиги А.Абдуҳакимов ва бошқалар Президентимиз раҳнамолигида мамлакатимиз иқтисодиёти барқарор ривожланиб бораётгани аҳоли бандлигини таъминлаш имконини бераётганини таъкидлади. 2015 йилда мамлакатимизда 980 мингдан ортиқ иш ўрни, шунинг 60 фоиздан зиёди қишлоқ жойларда ташкил қилинган эътиборга молик.

Бир минг икки юздан ортиқ бўш иш ўринлари ярмаркаси ўтказилиб, уларда 62 минг киши ишга жойлаштириш бўйича йўлланма олган. Корхоналар билан ҳамкорликда 8 минг ишсиз фуқаро ҳақ тўланадиган жамоат ишларига жалб этилган.

— Етти мингдан зиёд фуқаро иқтисодиётда талаб қилинаётган мутахассисликлар бўйича касбга тайёрланди, — дейди вазирлик бошқарма бошлиғи Эркин Аvezов. — 2 минг 400 нафар киши «уста-шоғирд» усулида гилам тўқиш, ганчкорлик, тери, ёғоч ва темирдан бадий маҳсулотлар тайёрлаш, миллий қандолатчилик ва бошқа касблар бўйича ўқитилди.

Аҳолини ижтимоий муҳофаза қилиш борасида ҳам қатор ишлар амалга оширилди. Ўзбекистон Республикаси Вазирлар

Маҳкамасининг 2015 йил 1 сентябрдаги қарорига мувофиқ ўзгалар парваршига муҳтож ёлғиз пенсионерлар 15 турдаги маҳсулотлар билан таъминланди. Ёлғиз пенсионер ва ногиронларга 2 минг нафардан зиёд ижтимоий ходимлар, шунингдек, Қизил ярим ой жамиятининг меҳр-шафқат ҳамширалари бириктирилди.

Жисмоний ва юридик шахсларнинг 4 мингга яқин ариза ва шикоятлари ўрганилди. Жумладан, иш ҳақини ўз вақтида тўламашлик бўйича бир минг уч юздан зиёд, ноқонуний равишда меҳнат шартномасини бекор қилиш, бўш иш ўринларини яширишга доир уч юзга яқин мурожаат кўриб чиқилди.

Матбуот анжуманида жорий йилги режалар хусусида ҳам маълумот берилди. Хусусан, 2016 йилда 990 мингга яқин янги иш ўрни яратилиши мўлжалланмоқда. Аҳолини ижтимоий қўллаб-қувватлаш, меҳнатни муҳофазалаш борасидаги ишлар изчил давом эттирилади.

Тадбирда журналистларни қизиқтирган саволларга жавоб қайтарилди.

Сайёра ШОЕВА, ЎзА мухбири.

МУНОСАБАТ

Авалло, ушбу кўрсатув жуда долзарб масалага бағишланганини таъкидлаш зарур. Унда кўрсатилган аччиқ воқеалар, билдирилган фикр-мулоҳазалар ҳақида ҳар биримиз ўзимизга керакли хулосалар чиқариб олишимиз керак.

ОГОҲ БЎЛИШ — ҲАММАМИЗНИНГ БУРЧИМИЗ

«Қиёматга қолган қарз» телекўрсатувини кўриб, кўнгилдан ўтган фикр-мулоҳазалар

Албатта, кўрсатувни кўрган ҳар бир томошабин бугун дунёнинг узоқ-яқин нуқталарида қандай дахшатли воқеалар рўй бераётгани, шундай ўта қалтис паллада мамлакатимиздаги тинчликни асраш, маҳаллалар, оилаларда ўзаро ҳамжихатлик ва бирдамликни сақлаш нақадар муҳим эканини чуқур тушунади, юрак-юрагидан ҳис қилади. Ўзбекистондек муқаддас замин тупроғига киндик қони тўкилган, шу юртининг нон-тузини тотиб улғайган ёшларнинг чет давлатларда қандайдир жангари гуруҳларга қўшилиб қолиб, кўз кўриб, қулоқ эшитмаган ёвузликлар қилаётгани ҳаммамизни хавотирга солади, яна бир бор огоҳ бўлишга чақиради.

► Давоми 2-бетда.

БУГУН ОНА ЮРТДА...



«Ягона дарча» вақтни тежайди

Президентимизнинг тадбиркорлик субъектларига «Ягона дарча» тамойили бўйича давлат хизматлари кўрсатиш тартибини янада такомиллаштириш тўғрисидаги қарори ижросини таъминлаш мақсадида «Ягона дарча» марказлари ташкил этилди.

— Айрим тадбиркорлар янги тизим жорий этилганидан беҳабарлиги боис, ҳамон давлат кадастри ёки архитектура бошқармасига мурожаат қилмоқда. Бироқ эндиликда бу хизматлар фақат «Ягона дарча» маркази орқали амалга оширилади, — дейди Навоий шаҳар ҳокимлиги хузуридаги «Ягона дарча» маркази директори Асқар Аҳмедов. — Тадбиркор бугун иши битиши учун ўнга яқин ташкилотга бормайди, балки биргина марказнинг ўзига келиб, битта ариза орқали ҳамма ташкилотдан қисқа муддатда тегишли жавобни олиши мумкин. Айримлар эса марказга келмай, электрон тарзда ўз аризаларини юбормоқда.

Навоий вилояти ҳокимлиги расмий сайти берган хабарга кўра, жорий йил бошдан буён 135 ариза келиб тушган бўлса, шундан 81 нафар тадбиркорга ҳамкор ташкилотлар томонидан ижобий жавоб, 40 ариза бўйича тушунтириш берилган.

Навоий

«Ипак ва зираворлар» анъанавий фестивали

Бухоро шаҳрида 2016 йил 26-28 май кунлари XV анъанавий «Ипак ва зираворлар» фестивали ўтказилди. Фестиваль дастлаб 2001 йилда «Ўзбектуризм» миллий компанияси Бухоро минтақавий бўлими ҳамда бир гуруҳ хунармандлар ва туристик фирмалар раҳбарлари ташаббуси билан ташкил этилган.

Бухоро вилоят ҳокимлиги матбуот хизмати маълумотига кўра, ўтган йили фестивалда БМТнинг Халқаро туризм ташкилоти, «Ўзбектуризм», «Хунарманд» уюшмаси, республикамиз ва чет эл сайёҳлик фирмалари, 20 дан ортиқ давлатларнинг Ўзбекистондаги элчихоналари ҳамда 10 дан ортиқ халқаро ташкилотлар вакиллари иштирок этган.

Янги корхона фаолият бошлади

Китоб туманида доривор гиёҳлар тайёрлашга ихтисослашган «Китобфарм» МЧЖ иш бошлади.

Бу ерда ҳозирча уч хил доривор ўсимлик — наъматак меваси, далачай ва тирноқтулга ишлов берилиб, 50 ва 100 граммлик ўрамларда қадоқланган ҳолда истеъмолчиларга етказиб берилаяпти.

— Лойиҳани амалга ошириш учун 80 миллион сўмга яқин маблағ сарфланди, — дейди корхона директори Санжар Аҳмаджонов. — Доривор гиёҳлар шартнома асосида Китоб ва Жовуз давлат ўрмон хўжаликлари ҳамда Яқкабғў ўрмон хўжалигидан келтириляпти.

Корхонада ишлаб чиқариш йўлга қўйилиши эвазига 6 киши иш билан таъминланди. Улар орасида коллеж битирувчилари ҳам бор.

«Қашқадарё» газетаси хабар беришича, вилоятда 60 турдан ортиқ доривор гиёҳлар аниқланган. Уларнинг 18 тури дори воситалари тайёрлаш учун ҳомашё сифатида давлат реестрига киритилган.

Бухоро

Қашқадарё

Қишлоқ жойларда

1 миллион 800 минг квадрат метрдан зиёд ҳажмдаги

13 мингга уй-жой барпо этиш, узунлиги **900** километр ичимлик суви, газ ва электр тармоқлари, **325** километр йўл қуриш мўлжалланмоқда.

2016 йилда

2015 йилда ХАЛҚ ДЕПУТАТЛАРИ НАМАНГАН ВИЛОЯТ, ТУМАН ВА ШАҲАР КЕНГАШЛАРИДАГИ ЎзХДП ГУРУҲЛАРИДА 34 МАСАЛА, ДОИМИЙ КОМИССИЯЛАРДА 13 МАСАЛА КЎРИБ ЧИҚИЛДИ. 8 МАСАЛА СЕССИЯГА КИРИТИЛИБ, ТЕГИШЛИ ҚАРОРЛАР ҚАБУЛ ҚИЛИНДИ.

ХАЛҚ ДЕПУТАТЛАРИ АНДИЖОН ВИЛОЯТ, ТУМАН ВА ШАҲАР КЕНГАШЛАРИДАГИ ЎзХДП ГУРУҲЛАРИ АЪЗОЛАРИ ТОМОНИДАН ТЕГИШЛИ ТАШКИЛОТ ВА ИДОРАЛАРГА 450 ДЕПУТАТЛИК СЎРОВИ ЮБОРИЛДИ.

ҚОРАҚАЛПОВИСТОН РЕСПУБЛИКАСИ, ВИЛОЯТЛАР ВА ТОШКЕНТ ШАҲРИ БЎЙИЧА ЖАМОАТЧИЛИК ҚАБУЛХОНАЛАРИГА КОММУНАЛ СОҲАГА ОИД 1500 ДАН ОРТИҚ МУРОЖААТ БЎЛДИ. УЛАРНИНГ АКСАРИЯТИ ИЖОБИЙ ҲАЛ ЭТИЛИБ, ҚОЛГАНЛАРИ БЎЙИЧА ҲУҚУҚИЙ МАСЛАҲАТЛАР БЕРИЛДИ.

ЎзХДП: ФАКТ ВА РАҚАМЛАР

